

# SENIORSERTIFIKAAT-EKSAMEN/ NASIONALE SENIORSERTIFIKAAT-EKSAMEN

# AFRIKAANS EERSTE ADDISIONELE TAAL V2 2019

**PUNTE: 70** 

TYD: 2 uur

Hierdie vraestel bestaan uit 41 bladsye.

Kopiereg voorbehou Blaai om asseblief

# **INSTRUKSIES EN INLIGTING**

Lees AL die instruksies aandagtig deur voordat jy die vrae beantwoord.

- 1. MOENIE probeer om die hele vraestel te lees nie. Raadpleeg die INHOUDSOPGAWE op die volgende bladsy en merk die vraagnommers van die tekste wat jy hierdie jaar bestudeer het. Lees hierdie vrae aandagtig deur en kies die vrae wat jy wil beantwoord.
- Hierdie vraestel bestaan uit VIER afdelings:

AFDELING A: Roman (35) AFDELING B: Drama (35) AFDELING C: Kortverhale (35) AFDELING D: Gedigte (35)

3. Beantwoord vrae in TWEE afdelings, soos volg:

AFDELING A: ROMAN

Beantwoord die vraag oor die roman wat jy bestudeer het.

AFDELING B: DRAMA

Beantwoord die vraag oor die drama wat jy bestudeer het.

AFDELING C: KORTVERHALE

Beantwoord die vrae oor TWEE kortverhale wat jy bestudeer het.

AFDELING D: GEDIGTE

Beantwoord die vrae oor TWEE gedigte wat jy bestudeer het.

Gebruik die kontrolelys op bladsy 4 om jou te help.

- 4. Volg die instruksies aan die begin van elke afdeling noukeurig.
- 5. Nommer die antwoorde korrek volgens die nommeringstelsel wat in hierdie vraestel gebruik is.
- 6. Begin ELKE afdeling op 'n NUWE bladsy.
- 7. Bestee ongeveer 60 minute aan elke afdeling.
- 8. Skryf netjies en leesbaar.

# **INHOUDSOPGAWE**

Kies TWEE afdelings.

AF	DELING A: ROMAN		
Ве	antwoord slegs EEN vraag.		
	VRAAGNOMMER	PUNTE	BLADSYNOMMER
1.	Kringe in 'n Bos	35	5
2.	Die Ongelooflike Avonture van Hanna Hoekom	35	9
3.	Meeulanders	35	13
4.	Lien se Lankstaanskoene	35	17

AF	AFDELING B: DRAMA			
Ве	antwoord slegs EEN vraag.			
5.	Poppie – Die Drama	35	21	
6.	Paljas	35	25	
7.	Fiela se kind – Die Drama	35	29	

AFDELING C: KORTVERHALE				
Beantwoord vrae oor TWEE kortverhale.				
8. Spieëlbeelde				
8.1 "Oom Dries se sorge met Jantjie" 18 33				
EN				
8.2 "Rot in 'n val"	17	35		
	<u> </u>			

AFDELING D: GEDIGTE		
Beantwoord vrae oor TWEE gedigte.		
9. Verskuns vir Eerste Addisionele Taal		
9.1 "pryslied"	18	37
EN	<u> </u>	
9.2 "Rondom my"	17	39
· ·		

# **KONTROLELYS**

Gebruik die kontrolelys om te verseker dat jy die vereiste getal vrae beantwoord.

AFDELING	VRAAGNOMMERS	GETAL VRAE BEANTWOORD	DUI AAN (√)	
A: Roman	1–4	1		
B: Drama	5–7	1		
C: Kortverhale	8	1 (2 kortverhale)		
D: Gedigte	9	1 (2 gedigte)		
<b>LET WEL:</b> Maak seker dat jy vrae oor slegs TWEE afdelings beantwoord het.				

### AFDELING A: ROMAN

Beantwoord slegs EEN vraag oor die roman wat jy bestudeer het.

#### VRAAG 1: KRINGE IN 'N BOS - Dalene Matthee

Lees die uittreksel hieronder deur en beantwoord die vrae wat daarop volg.

#### **TEKS A**

... Wanneer daar ver van die huis af gekap is, het hulle 'n skerm gemaak en in die Bos gebly totdat die hout klaar was. Soms drie weke en langer. As hulle nie te ver van die huis af gekap het nie, het hulle donkervoordag opgestaan om ligdag by die hout te wees, heeldag gekap en laatmiddag weer teruggestap. Baie moeg.

5

Hulle het daardie keer by Witplekbos waenhout gemaak en alhoewel dit maar so twee uur se stap van die huis af was, het sy pa aan die einde van die eerste week besluit om skerm te maak en te bly tot die hout klaar is; die suiker was op, die koffie en twak was min en by die huis was die meel ook aan die opraak. Die hout moes uitgesleep en reggemaak word en op die dorp kom. Saul was toe nog nooit op die dorp nie en sy idee van die plek was taamlik vaag.

10

Teen die einde van die derde week het dit egter begin reën en dit was te nat om te kap of te saag. Al wat hulle kon doen, was onder die skerm sit en hoop dit klaar op. Oom Anneries was darem bly oor die reën; dit het hom kans gegee om voor te kom met sy speke. Ses wa-speke het vir die ou 'n bottel brandewyn, ... geruil ...

15

1.1 Waar in die Bos het Saul-hulle se huis gestaan?

(1)

1.2 Noem TWEE dinge wat Joram vir sy seuns van die Bos geleer het.

(2)

1.3 Voltooi die paragraaf hieronder deur die ONTBREKENDE WOORDE in te vul. Skryf slegs EEN woord langs die vraagnommers (1.3.1 tot 1.3.4) neer.

Saul het op 'n jong ouderdom reeds 'n verantwoordelikheid teenoor die Bos begin voel. Hy was bekommerd oor die getal (1.3.1) ... wat al deur Marais geskiet is en hy was ontsteld toe sy pa die duisendjarige kalander wou afkap omdat die houtkopers (1.3.2) ... wou hê. Ná sy besoeke aan die houtwerf op Knysna het Saul die skewe (1.3.3) ... waarin die houtkappers vasgevang was, leer ken. Hy het gesien dat die houtkoper, *Mister* (1.3.4) ..., nie omgegee het dat die Bos uitgeroei word nie.

(4)

1.4 "Saul was toe nog nooit op die dorp nie en sy idee van die plek was taamlik vaag."

Gee 'n voorbeeld uit die roman dat Saul nie geweet het hoe die dorp gelyk het nie. Konsentreer op Saul se optrede in die dorp.

1.5 Saul was net soos die ander houtkappers: trots, maar baie hardkoppig. 1.5.1 Gee TWEE voorbeelde uit die roman wat daarop dui dat Saul hardkoppig was. (2) 1.5.2 Gee TWEE voorbeelde uit die roman wat daarop dui dat Saul trots was. (2) 1.6 Waarom het dit jou nie verras ("surprise") toe Joram vir Saul uit sy span weggejaag het nie? (1) 1.7 Saul het op die eerste Kersdag nadat hy deur Joram weggejaag is, gesien dat sy familie ook Terblans se voorbeeld gevolg het. Motiveer uit die roman waarom hierdie stelling WAAR is. (1) 1.8 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (1.8) neer. Saul se besoek aan sy familie die eerste Kersdag nadat hy die Bos verlaat het, het nie goed geëindig nie, want sy broer het hom daarvan beskuldig dat hy hulle ... het. Α beskinder В verraai С verlaat D belieg (1) 1.9 In die tyd toe Saul vir MacDonald gewerk het, het MacDonald hom gevra om saam met Patterson Bos toe te gaan. Waarom was dit dom van MacDonald om vir Saul te jok oor wat Patterson in die Bos wou gaan doen?

EN

gaan, vir Saul in sy toekoms gehelp?

Hoe het MacDonald se opdrag aan Saul om saam met Patterson Bos toe te



1.10

(1)

Lees die uittreksel hieronder deur en beantwoord die vrae wat daarop volg.

#### **TEKS B**

... "Die lagie goud wat jy bo-oor geplak het, is maar baie dun, nè? Die dae toe jy vir my houtkneg was, het jou skynbaar ook ontgaan!"

Jy kon die dreuning van die see buite hoor, so stil het dit in die saal geword.

"Jy maak 'n fout, *mister* MacDonald, ek dink nie iemand wat vir jou kneg was, kan dit ooit vergeet nie."

5

\*\*\*

... Die opstand wat dae lank in hom gesmeul het, het witwarm in hom gebrand. All woodcutters are wild and dirty. Hy het dit amper vergeet, dink hy sinies en trap versigtig oor die gaterige straat ... Kyk hoe lyk hulle dorp! ... Daar is nie eens meer 'n boom langs 'n straat nie. Kruppelbos! Maar kratte vol tierlantyntjies en klere op elke skip wat van Europa kom sodat elke nuwe gril tot hier kan kom om die ledigheid te verdryf. En waaruit kom dit op die ou end alles? Uit die Bos. Die hand wat koop, is die hand wat die kos uitdeel vir die hand wat kap en uitsleep ... En nou het hulle 'n rif ontdek.

\*\*\*

... Saul Barnard is klaar met die dorpenaars. Saul Barnard pak op.

Maar wat jy in woede besluit, is nie altyd wat jy in bedaardheid doen nie. Hy het 15 gebly om die eerste mure van Babel in die Bos te sien verrys.

- 1.11 Wie se dood het veroorsaak dat Saul sy werk as houtkneg by MacDonald gelos het? (1)
- 1.12 Lees reël 1 en 2.
  - 1.12.1 Kies die KORREKTE antwoord uit dié tussen hakies.

Die manier waarop MacDonald voor al die mense met Saul praat, wys dat hy Saul wil (verneder/gerusstel).

(1)

1.12.2 Waarom sou MacDonald só met Saul wou praat?

(1)

1.13 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (1.13) neer.

Met reël 3 wil die verteller aandui dat ...

- A die dansparty gou verby was.
- B die dansparty naby die see gehou is.
- C daar spanning tussen Saul en MacDonald was.
- D Saul baie sag gaan praat as hy vir MacDonald antwoord.

1.14	Die rede waarom MacDonald by die dansparty met Saul gaan praat het, was omdat Saul oor die dorp se strate gekla het. (Reëls 7 en 8)		
	Haal 'n sin uit reëls 6 tot 13 aan om aan te dui dat hierdie stelling ONWAAR is.		
1.15		ORIE reëls wat Saul gemaak het wat die eerste klomp delwers in die ees nakom.	(3)
1.16		elik was dit duidelik dat daar nie so baie goud in die Bos was soos nse gedink het nie.	
	1.16.1	Kies die KORREKTE antwoord uit dié tussen hakies.	
		Toe dinge in Meulbos begin sleg gaan, het (Barkley/Stopforth) vir Saul probeer teruglok Bos toe om hulle te help om goud uit te haal.	(1)
	1.16.2	Noem TWEE dinge wat vir Saul belowe is as hy hulle sou help.	(2)
1.17	Maska verantw	en Kate het vir Saul daaraan herinner dat hy nie sy voordelikheid teenoor die Bos mag vergeet nie.	
		VEE redes waarom ons kan sê dat Saul wel sy verantwoordelikheid r die Bos nagekom het toe hy daardie Dinsdagoggend die <i>Pictor</i> het.	(2)
1.18	Kies die	e KORREKTE antwoord uit dié tussen hakies.	
		e einde van die roman kon Saul vir Jozef oortuig dat (die delwers die u verlaat/die Bos vernietig sou word) as hy nie na Saul sou luister	(1)
1.19	Watter	les het jy geleer uit:	
	1.19.1	Saul se lewe	(1)
	1.19.2	Saul en sy pa se verhouding, nadat sy pa hom uit sy span weggejaag het	(1)

Noem TWEE dinge wat Maska gedoen het dat ons hom Saul se grootste

vriend/ondersteuner ("supporter") kan noem.

1.20

(2) **[35]** 

# VRAAG 2: DIE ONGELOOFLIKE AVONTURE VAN HANNA HOEKOM – Marita van der Vyver

Lees die uittreksel hieronder deur en beantwoord die vrae wat daarop volg.

#### **TEKS C**

Liewe leser, ek wil vir my 'n lewe opmaak. Die lewe van 'n amper vyftienjarige meisie met 'n eksotiese naam soos Fabienne. Sy's ek, maar sy's ook nie ek nie. My *alter ego*, ...

\*\*\*

.... Fabienne se pa is 'n gewone, normale man met 'n gewone, normale werk. In 'n kantoor, beslis nie in 'n TV-reeks nie, of beter nog, in 'n spreekkamer. Iets 5 met status, iets wat sekuriteit aan 'n gesin kan gee, iets waarmee hy soveel geld kan verdien dat Fabienne amper nooit sop hoef te eet nie ... En haar ma was 'n tandarts-assistent voor sy getrou het. Dis hoe sy Fabienne se pa ontmoet het. Nou is sy net 'n ma. Een wat netjies aantrek, ...

\*\*\*

Ná ons na honderde huise gekyk het, het ons oplaas een gekry waarvan nie 10 een van ons hoegenaamd gehou het nie ... Die boonste verdieping is later bygelas, ... soos 'n lawwe strooihoed by 'n vervelige winterjas.

\*\*

As jy my vra (nie dat iemand my al ooit gevra het nie), was my eerste woord 'n gil van woede. Hoekom kan ek nie maar 'n normale baba met 'n normale ma en 'n normale pa wees nie?

15

En nou is ek vasgekeer op 'n berg waar ek oor tien dae my vyftiende verjaardag moet vier, saam met my abnormale ma, my ingewikkelde gesin, my beste vriendin en – ...

2.1 In watter stad het Hanna en haar ingewikkelde gesin gewoon?

(1)

2.2 Reël 10 en 11 verwys na die huis waarin Hanna-hulle gewoon het. Noem TWEE eienskappe van hierdie huis wat dit van buite verwaarloos laat lyk het.

(2)

2.3 Voltooi die paragraaf hieronder deur die ONTBREKENDE WOORDE in te vul. Skryf slegs EEN WOORD langs die vraagnommers (2.3.1 tot 2.3.4) neer.

Hanna was nie tevrede met haarself of haar omstandighede nie. Sy het soos 'n skildery gevoel, want sy het geglo sy is (2.3.1) ... terwyl haar halfbroer, Tibo, *vervaardig* is. Sy het nog (2.3.2) (gee die getal) ... stiefbroers gehad met wie sy gedurig baklei het. Hanna was boonop skaam oor haar (2.3.3) ..., maar om dit reg te kry, sou sy draadjies moes kry en haar ma wou nie daarvoor toestemming gee nie. Sy het ook geglo as sy minder (2.3.4) ... eet, sou haar vel so mooi soos Sharon s'n wees.

(4)

2.4 Fabienne, Hanna se *alter ego*, se pa was 'n "gewone, normale man". Gee 'n voorbeeld uit die roman om te motiveer waarom Hanna gedink het dat haar biologiese pa nie 'n gewone, normale pa was nie.

2.5 Fabienne se ma is "net 'n ma. Een wat netjies aantrek, ...". 2.5.1 Gee TWEE voorbeelde uit die roman wat daarop dui dat Mana,

volgens Hanna, nie netjies was nie.

- (2)
- 2.5.2 Gee TWEE voorbeelde uit die roman wat daarop dui dat Mana, volgens Hanna, vreemde idees gehad het.

(2)

2.6 Waarom het dit jou nie verras ("surprise") dat Hanna elke keer haar skryfidees met Beyers, haar stiefpa, gedeel het nie?

(1)

2.7 Hanna se bynaam, Hanna Hoekom, het by haar gepas.

Motiveer uit die roman waarom hierdie stelling WAAR is.

(1)

2.8 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (2.8) neer.

Toe die kinders van die gesinsvakansie hoor, was hulle dadelik ...

- Α opgewonde.
- nuuskierig. В
- C negatief.

2.10

(1)

- tevrede.
- 2.9 Waarom was dit 'n slim idee van Mana om hierdie gesinsvakansie te reël? (1)
  - (1)

Hoe het Sharon vir Hanna gedurende die gesinsvakansie gehelp om haar situasie te aanvaar?

**EN** 

5

Lees die uittreksel hieronder deur en beantwoord die vrae wat daarop volg.

#### **TEKS D**

"Ons gaan almal saam tot by die drif stap," kondig Beyers aan. "Honde, kinders, grootmense, die hele spul. Die enigste twee wat verskoon gaan word, is Mana en die baba. Hulle het rus nodig."

"Ek het ook rus nodig," kreun Yann, uitgestrek op die rusbank. Ek is getraumatiseer deur laas nag se gebeure."

Maar jy kan hoor sy hart is nie in sy kreun nie. Hy doen dit net omdat sy pa dit van hom verwag.

"Ek kan doen met die oefening!" roep Margot uit. "Ek gaan my drafskoene aantrek, dan hardloop ek die laaste ent terug."

"Ek weet nie of die modder al droog genoeg is vir 'n drawwery nie," waarsku 10 Beyers.

Maar sy is klaar op pad na haar kamer. Hy kyk haar kopskuddend agterna. So 'n snaakse glimlag op sy lippe, iets tussen irritasie en bewondering.

Vyf minute later staan ons almal voor die huis. Margot in haar glimmende lemmetjiegroen sportpak (wat Gavin net sy kop stadig laat skud) en haar pienk- 15 en-silwer drafskoene. Tibo en Amos elk bewapen met 'n stok wat twee keer langer as hulle is. Yann bewapen met sy Walkman en sy oorfone. Sharon bewapen met 'n geïrriteerde frons.

"Dis heel waarskynlik my laaste dag hier," sug sy. "En jou simpel stiefbroer verkies om musiek te luister eerder as om met my te gesels.

- 2.11 Wat wou Beyers by die drif gaan maak? (1)
- 2.12 "Maar jy kan hoor sy hart is nie in sy kreun nie." (Reël 6)

Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (2.12) neer.

Met hierdie woorde wil die verteller aandui dat Yann ...

- A se hele houding verander het.
- B Mana met die baba wou help.
- C dit regtig haat om te stap.
- D sy ma probeer vermy.
- 2.13 Beyers het nog nie sy negatiewe opinie oor Margot verander nie.

Haal 'n sin uit reëls 8 tot 13 aan om aan te dui dat hierdie stelling ONWAAR is. (1)

2.14 Noem DRIE items wat vir Margot sou help om die baba se geboorte vlot te laat verloop. (3)

2.13		aanvaar het.	(2)
2.16	Lees reë	ël 19 en 20.	
	2.16.1	Kies die KORREKTE antwoord uit dié tussen hakies.	
		Die manier waarop Sharon hier praat, wys dat sy (tevrede/teleurgesteld) in Yann se gedrag is.	(1)
	2.16.2	Waarom sou Sharon só voel toe sy sien Yann verkies sy musiek bo haar geselskap?	(1)
2.17		an het 'n gelukkige einde toe daar uiteindelik hulp opdaag om die an die berg af te kry.	
	2.17.1	Kies die KORREKTE antwoord uit dié tussen hakies.	
		Sharon se ouers het 'n (helikopter/4x4) gereël om die familie te bereik.	(1)
	2.17.2	Noem TWEE persone wat dadelik die huis op die berg saam met Sharon se ouers verlaat het.	(2)
2.18	Kies die	KORREKTE antwoord uit dié tussen hakies.	
	gaan v	van die storie wat Hanna aan die einde van die roman wil skryf, wees: <i>Die ongelooflike avonture van Hanna Hoekom: 'n</i> Fabelagtige) verhaal.	(1)
2.19	Watter le	es het:	
	2.19.1	Gavin se karakter vir jou geleer	(1)
	2.19.2	Gavin vir Margot die aand geleer toe sy haarself in die kamer toegesluit het	(1)
2.20		Gavin gedoen of gesê sodat Hanna haarself/haar omstandighede einde van die roman aanvaar het.	(2) <b>[35]</b>

# VRAAG 3: MEEULANDERS - Esta Steyn

Lees die uittreksel hieronder deur en beantwoord die vrae wat daarop volg.

#### **TEKS E**

"Jy's mal om so tekere te gaan," sê Elsabet toe sy vieruur koffie en beskuit bring. Sy kyk rond in die kombuis wat al leefbaar begin lyk: ... Toe sy weer weg is, drink Ryna en Jannerik hulle koffie voor die agterdeur.

"Jannerik? Weet jy hoe die stoof werk?"

"Ek sal houtgoed bring en hom opmaak, Mama-Meeu."

Ek het nog 'n naam gekry. Saam met al my ander name.

Toe sy by haar blyplek kom, is daar 'n warm, gesellige gloed in die karige kombuisie: die skoongeskuurde swartstoof het smeulende kole in sy vuurherd en bo-op staan 'n enorme kan kokende water. Dis Jannerik, besef sy dankbaar, wat vir haar badwater gemaak het.

10

Sy skink die tee klaar en klink meteens heftig: "Ek sien nie kans om my kind hier groot te maak nie. Jacob wil dit nie verstaan nie." Sy kyk Ryna in die oë: "Onthou, dis anders as mens hier is en jy weet jy het 'n plek om na toe terug te gaan, soos jy. Maar ek ..."

Ek is besig om my lewe oor te maak.

15

5

Sy stap by haar blyplek in en sit die oorvol emmer stort-stort op die houtbankie in die hoek neer.

Sy maak die klein deurtjie van die swartstoof oop en steek twee stompies in, maak dit brand.

Ek het waaragtig teruggekom na die eenvoud van die aarde.

20

- 3.1 Wat was Ryna se naam voordat sy na Meeuland toe gekom het?
- 3.2 Voltooi die volgende paragraaf deur die ONTBREKENDE WOORDE in te vul. Skryf slegs EEN woord langs die vraagnommers (3.2.1 tot 3.2.4) neer.

Min mense het geweet waarom Ryna die Kaap verlaat het. Vincent, haar man, het eers haar seun, (3.2.1) ..., geskiet en toe selfmoord gepleeg. Ryna se huis het ook (3.2.2) ... Daarna het Ryna 'n tydjie in die (3.2.3) ...kliniek (naam van die plek) deurgebring. Sy is daarna vir (3.2.4) ... jaar Meeuland toe gestuur.

(4)

(1)

Noem TWEE dinge wat Ryna vir prof. Van Keulen en die Instituut op 3.3 Meeuland moes gaan doen.

(2)

3.4 "'Jy's mal om so tekere te gaan,' sê Elsabet ..." (Reël 1).

> In hierdie uittreksel is Elsabet negatief. Waarom was sy aan die begin van haar verblyf meer positief oor Meeuland?

3.5	Lees reë	els 7 tot 10.	
		het dit jou nie verras ("surprise") dat Jannerik vir Ryna badwater emaak het nie?	(1)
3.6	Lees reë	els 12 tot 14.	
	3.6.1	Kies die KORREKTE antwoord uit dié tussen hakies.	
		Die manier waarop Elsabet met Ryna praat, wys dat sy (vir Ryna bejammer/wens sy was Ryna).	(1)
	3.6.2	Waarom sou 'n mens vir Elsabet kon sê dat sy verkeerd was om soos in reëls 13 en 14 te voel?	(1)
3.7		vou nie vir Ryna op Meeuland gehad het nie. Later het die ing tusen hulle twee verbeter.	
	3.7.1	Gee TWEE voorbeelde uit die roman wat daarop dui dat Jacob dit vir Ryna moeilik gemaak het om op Meeuland welkom te voel.	(2)
	3.7.2	Gee TWEE voorbeelde uit die roman wat daarop dui dat die werksverhouding tussen Jacob en Ryna later verbeter het.	(2)
3.8		KORREKTE antwoord om die sin mee te voltooi. Skryf slegs die -D) langs die vraagnommer (3.8) neer.	
	Ryna se	CB-naam "Mama-Meeu" het goed by haar gepas omdat sy	
	B di C as	s vriendin vir Doreen bygestaan het. e klein duikerkuiken grootgemaak het. s versorger vir Janka en Jacob opgetree het. r die pikkewyn die naam Flip-Flap gegee het.	(1)
3.9	Ryna se	lewe op Meeuland het baie van haar lewe in Kaapstad verskil.	
		waarom hierdie stelling WAAR is. Konsentreer in jou antwoord Ryna se lewe in die Kaap.	(1)
3.10	Hoe het	Ryna se koms na Meeuland vir Jacob in sy persoonlike lewe	

ΕN



gehelp?

Lees die uittreksel hieronder deur en beantwoord die vrae wat daarop volg.

#### **TEKS F**

... Die prof kom tot by haar: "... ek kan maar net sê: knap gedaan! Ek vra myself af waar al die inspirasie vandaan gekom het?" Hy gee haar skouers 'n drukkie. "Nou ja, die hele Instituut wag op jou. Ek sien uit daarna om jou weer in jou eie kantoor te sien!"

Ek kan nie teruggaan Kaap toe nie, prof. Ek kan nie weggaan nie. Ek hoort 5 waar ek hoort.

... Sy sien haarself op die eiland: by die malgasse ... die dag toe hy vir haar die ou handskoen aangegee het. By die geheime babagraffie ... op die jettie ... Jacob, Jacob. Sy sien hom regoor haar deurmekaar tafel met sy hande sag om haar sketse.

10

Sy en Jannerik het haar plek begin opruim. Sy het haar boeke in bokse gepak, en ook haar skulpe en vere en stukkies dryfhout.

"Die kaptein het gesê ons moet die gordyne en die kombuisgoed net so los, vir as Mama-Meeu weer kom kuier. Mama-Meeu?"

"Jannerik?"

"Dis swaar tye vir my, Mama-Meeu."

"Ek weet, Jannerik. Vir my ook."

"Maar ek sal ons boom oppas. En dan sal ek als onthou ..."

\*\*

Ryna laat haar in een van die nuwe, sagte stoele sit.

"Ek kan voel jy leef hier, Ryna. Die warmte omring my."

20

"Ek is baie gelukkig hier, ... En dankbaar. Ek het vrede met my verlede gemaak."

3.11 Lees reëls 1 tot 4.

Watter geleentheid het Ryna hier bygewoon?

(1)

(3)

3.12 "Ek kan nie teruggaan Kaap toe nie, prof. Ek kan nie weggaan nie. Ek hoort waar ek hoort." (Reël 5 en 6)

Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (3.12) neer.

Met hierdie gedagte van Ryna wil die verteller vir ons sê dat Ryna ...

- A ervaar dat die hartseer herinneringe van die Kaap nog lewend is.
- B bang is dat daar mense in die Kaap is wat haar sal wil seermaak.
- C voel sy wil nie die kinders van die skool in die steek laat nie.
- D finaal besef waar haar hart lê. (1)
- 3.13 Noem DRIE gebeurtenisse op Meeuland wat Ryna altyd aan die jettie sal laat dink.



3.14	Jacob v het.	vas dankbaar dat Ryna toe eindelik van Meeuland af weggegaan	
	Haal 'n ONWA <i>A</i>	sin uit reëls 11 tot 18 aan om aan te dui dat hierdie stelling AR is.	(1)
3.15	"Maar e	k sal ons boom oppas." (Reël 18)	
	Waarom	n kon Jannerik nie by hierdie belofte hou nie?	(1)
3.16		elik het Ryna se begeerte om nie weer terug te gaan Kaap toe nie, waar geword.	
	3.16.1	Kies die KORREKTE antwoord uit dié tussen hakies.	
		Nadat Ryna Meeuland moes verlaat, het (Ant Hansie/Ousanna) aangebied dat Ryna haar huisie kon koop.	(1)
	3.16.2	Noem TWEE redes waarom dit uiteindelik 'n goeie besluit was dat Ryna in dié huisie kon gaan bly.	(2)
3.17	"Ek het	vrede met my verlede gemaak." (Reël 21 en 22)	
		VEE redes uit die roman waarom 'n mens kan sê dat Ryna wel et haar verlede gemaak het.	(2)
3.18	Kies die	KORREKTE antwoord uit dié tussen hakies.	
		einde van die roman het Ryna gesê: "Ons sal bymekaar staan, s is Meeulanders."	
		e het sy bedoel dat sy, Janka, Jannerik en Jacob (dieselfde oor nd gevoel het/almal weer eendag op Meeuland sou gaan woon).	(1)
3.19	Watter lo	es het jy geleer uit:	
	3.19.1	Jacob se vooroordeel teenoor Ryna in die begin	(1)
	3.19.2	Die manier waarop Ryna dié vooroordeel hanteer het	(1)
3.20	Ryna he	et die mense van Salamanderbaai positief beïnvloed.	
		r die stelling deur aan te dui hoe Ryna vir Doreen en Mathys beïnvloed het.	(2) <b>[35]</b>

#### VRAAG 4: LIEN SE LANKSTAANSKOENE - Derick van der Walt

Lees die uittreksel hieronder deur en beantwoord die vrae wat daarop volg.

#### **TEKS G**

"Ek ken nie jou agtergrond nie en ek weet ook nie wat by julle huis gebeur nie, maar dit is vir my duidelik dat jy vir iets of iemand baie kwaad is. En dis nie regverdig dat jy dit op ons uithaal nie." ...

... "Ek dink jy het baie potensiaal, maar dan sal jy moet ophou om so stilletjies onder die radar deur te oorleef." ... "Dit sal dalk help as jy met iemand 5 praat oor wat jou pla." ...

"Ek wil hê jy moet Donderdagmiddag vir een van die rolle vir die nuwe stuk kom lees."

\*\*\*

Braam lê soos gewoonlik voor die televisie.

"Het jy nie huiswerk nie?" vra sy geïrriteerd.

10

Braam ignoreer haar en sit die televisie kliphard.

"Braam, sit sagter!" skreeu sy. Hy lag en skakel oor na 'n ander kanaal.

"Wat byt jou?" vra hy terwyl hy die televisie sagter sit en haar met een van die bank se kussings gooi.

"Waar's Ma?" vra sy vies, terwyl sy die kussing eenkant toe skop.

15

"Jy kan my soen as ek weet," sê Braam terwyl hy hom op die bank uitrek.

Haar ma het vanoggend gesê sy het 'n *runny tummy* en dat sy by die huis gaan bly terwyl sy bewerig vir haar 'n koppie koffie in die kombuis geskink het.

4.1 In watter stad speel hierdie roman af?

(1)

4.2 Voltooi die paragraaf hieronder deur die ONTBREKENDE WOORDE in te vul. Skryf slegs EEN woord langs die vraagnommers (4.2.1 tot 4.2.4) neer.

In hierdie roman leer ons vir Lien beter ken. Lien is nou al 'n jaar in Hoërskool (4.2.1) ... Hulle moes hulle bekende omgewing verlaat en woon nou in 'n klein (4.2.2) ... wat geen uitsig het nie. Haar pa is vir (4.2.3) ... jaar tronk toe gestuur. Hy het erken dat hy oneerlik met ander mense se (4.2.4) ... was.

(4)

4.3 Aan die begin van die roman het dit gelyk asof Lien wil wegkom van haar omstandighede.

Gee 'n voorbeeld uit die roman wat hierdie stelling bewys.

(1)

4.4 Lien se ma het ook probeer om uit haar omstandighede weg te kom.

Noem TWEE maniere waarop sy uit hierdie omstandighede probeer wegkom het.

(2)

4.5	Kies die KORREKTE antwoord om die sin mee te voltooi. Skryf slegs die
	letter (A–D) langs die vraagnommer (4.5) neer

Die manier waarop Braam in reëls 9 tot 14 reageer, laat dit lyk asof hy ... hulle omstandighede.

- A opgewonde is oor
- B gespanne is oor
- C onbewus is van
- D hartseer is oor

(1)

- 4.6 Lien was verantwoordelik en onselfsugtig.
  - 4.6.1 Gee TWEE voorbeelde uit die roman wat daarop dui dat Lien 'n verantwoordelike meisie was.

(2)

(2)

4.6.2 Gee TWEE voorbeelde uit die roman wat daarop dui dat Lien onselfsugtig was.

(4)

4.7 Waarom het dit jou nie verras ("surprise") dat Lien en Wouter so vinnig goeie vriende geword het nie?

(1)

- 4.8 Dit het vir Lien gehelp dat tannie Bets so baie mense geken het.
  - Motiveer uit die roman waarom hierdie stelling WAAR is.

(1)

4.9 Waarom was dit slim van juffrou Breytenbach om vir Lien te vra om 'n oudisie vir die dramaproduksie te doen?

(1)

- 4.10 Toe Lien vir Sally Swanepoel ontmoet het, het sy nie van Sally gehou nie.
  - Hoe het Sally Swanepoel vir Lien gehelp om haar kop hoog te hou?

(1)

ΕN



Lees die uittreksel hieronder deur en beantwoord die vrae wat daarop volg.

#### **TEKS H**

"Sal Ma weer drink ...?" vra Lien ná 'n ruk ... "Die Here weet, ek weet nie. Harry sê dit bly by jou vir die res van jou lewe." Sy draai na Lien. "Maar ek gaan vrek hard probeer, regtig, regtig." ... "Sal ons ooit vir Pa kan vergewe?" vra sy huiwerig ... "Kom ek gaan wys jou die kapelletjie!" sê haar ma skielik opgewonde. "Dis 5 klein, maar nogal cute. En hulle speel Bach! Dis nou wel backtracks, maar dis beter as niks." Daar is skielik iets in haar ma se oë wat Lien van lank gelede onthou. Dis soos 'n ou droom wat jy lankal vergeet het en waaraan iets jou skielik herinner. 'n Lekker droom. 10 "Ek praat baie met jou. In my kop. Elke dag. Ek weet ek het julle seker vir altyd verloor en ek wonder elke dag of julle my ooit sal vergewe." Lien byt op haar onderlip. Sy sal nie huil nie. Sy kyk woordeloos na hom. Sy voel die trane agter haar ooglede brand. "Wanneer kom jy uit?" vra sy oplaas. 15 "Seker so oor ses maande, as alles goed gaan." ... "Waarheen gaan jy dan?" Hy haal sy skouers op. "Seker maar eers na oom Frank-hulle." ... "Ek gaan nie meer regte swot nie," verander sy die onderwerp. Hy lyk teleurgesteld. 20

- 4.11 Waar vind die gesprek tussen Lien en haar ma plaas? (1)
- 4.12 Lees reël 1.
  - 4.12.1 Kies die KORREKTE antwoord uit dié tussen hakies.

Die manier waarop Lien hierdie vraag vra, wys dat sy (wonder of/seker is dat) sy die regte antwoord gaan hoor. (1)

4.12.2 Waarom sou Lien só voel as sy hierdie vraag aan haar ma vra? (1)

4.13 Dit wat Lien in haar ma se oë gesien het, het haar bang gemaak.

Haal 'n sin uit reëls 8 tot 10 aan om aan te dui dat hierdie stelling ONWAAR is. (1)

4.14 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (4.14) neer.

Met die baie vrae wat Lien tydens hierdie besoek vir haar ma vra, wil die verteller aandui dat ...

- A Lien baie nuuskierig is.
- B dit vir Lien belangrik is om haar ma se situasie te verstaan.
- C Lien wou weet wat om vir tannie Bets van haar ma te gaan vertel.
- D Lien nie gehou het van die stiltes wat daar in die gesprek was nie. (1)

		TOTAAL AFDELING A:	35
		Wat het jy by enige EEN van hierdie karakters oor vergifnis (om te vergewe) geleer?	(1) <b>[35]</b>
	4.20.2	Dink aan Lien of haar ma of haar pa.	
	4.20.1	Watter les het jy by Lien se bedelaarsvriend, Tibbey, geleer?	(1)
4.20		Lankstaanskoene is nie net 'n boek wat lekker lees nie, maar dis oek met karakters wat 'n mens lank sal onthou.	
	Motivee	r jou antwoord met TWEE feite.	(2)
4.19		n kan 'n mens sê dat Gerhard (Kuifie) daarvoor verantwoordelik was uiteindelik haar potensiaal kon bereik?	
		ook uit die hoofstuk, "Naspel", af dat Lien toe drama gaan studeer s kan sê dat dit (Miemie/Weird Maria) was wat die saadjie hiervoor het.	(1)
4.18	Kies die	KORREKTE antwoord uit dié tussen hakies.	
	4.17.2	Watter ander TWEE karakters, behalwe haar ma en Braam, maak dat Lien nou baie gelukkig is?	(2)
		Lien-hulle sit op die rusbank en (kyk na 'n video/beplan 'n vakansie by die see).	(1)
	4.17.1	Kies die KORREKTE antwoord uit dié tussen hakies.	
4.17		fstuk, "Naspel", aan die einde van die roman suggereer 'n gelukkige r die gesin.	
	Gee TW nie.	EE moontlike redes waarom hy dink sy nie meer regte wou studeer	(2)
4.16	Lien se	pa was teleurgesteld omdat sy nie meer regte wou studeer nie.	
4.15	•	er DRIE maniere het Lien gewys dat die besoek aan haar ma vir eilik was?	(3)

# AFDELING B: DRAMA

Beantwoord slegs EEN vraag oor die drama wat jy bestudeer het.

# VRAAG 5: POPPIE DIE DRAMA - Elsa Joubert en Sandra Kotzé

Lees die uittreksel hieronder deur en beantwoord die vrae wat daarop volg.

# **TEKS I**

STONE. Die drie broertjies wat voor Poppie gekom het, het ook Engelse doopname gekry – Philip en Stanley en Wilson. MOSIE. Maar ouma Hannie het haar maar altyd "Poppie" genoem. OUMA HANNIE. Of Pop – my ou Poppietjie!	
STONE. En Wilson – die kind wat skaars kon loop toe Poppie in sy plek op ouma Hannie se rug vasgemaak moes word, het Ouma "Mosie" genoem.  OUMA HANNIE (nostalgies). Ou Moos. My Rooiwielwagentjie.  HOEDJIE. En Philip was maar van altyd "ou Plank".  PLANK. En Stanley was maar altyd "ou Hoedjie".	5
Hoedjie spring op en begin al om Ouma hop.	10
Trocujie spring op en begin ar om oama nop.	10
HOEDJIE. Ou Hoedjie, ou Hoedjie! Ek staan op my voetjie, my naam is ou Hoedjie! OUMA HANNIE. Tsamaya – jy's weer uit jou vel uit! (Sy stoot hom eenkant toe.)	
MOSIE. En toe kom ouma Hannie om by ons te bly, en Plank is vyftien jaar oud en gaan werk op die skuide. PLANK. Ek is mos nou 'n man. Moenie lat dit jou bodder lat ons by die	15
stiefpa moet bly nie. Ek kry my eie huis in die fabriek se barrakse en julle	
kom die lot by my bly.  MOSIE. En Poppie het vir hulle gesôre, en ma Lena se kinders opgepas, totdat Ouma Hannie siek geword en afgesterwe het  POPPIE. Ná my ouma Hannie dood is, het ons aangebly in Plank se huis.	20
Ek en Hoedjie en Mosie en Plank.	

5.1 Op watter dorp het Poppie en haar broers by ouma Hannie gewoon?	(1)
---	-----

- 5.2 Noem TWEE dinge waaroor ouma Hannie baie streng met Mama se kinders was. (2)
- 5.3 Gee 'n voorbeeld uit die drama om aan te dui dat dit vir die kinders lekker by ouma Hannie was.



5.4	Voltooi die paragraaf hieronder deur die ONTBREKENDE WOORDE in te
	vul. Skryf slegs EEN woord langs die vraagnommers (5.4.1 tot 5.4.4) neer.

In hierdie drama leer ons vir Poppie beter ken. Poppie se (5.4.1) ... het nie mooi vir hulle gesorg nie en toe het Poppie en haar drie broers by ouma Hannie gaan woon. Mama Lena het later by die visfabriek op (5.4.2) ... werk gekry. By bhuti Mbatane het Mama nog drie kinders gehad en Poppie was die liefste vir (5.4.3) ... Toe Poppie dertien jaar oud was, het sy ook by die visfabriek as (5.4.4) ... 'n werk gekry.

(4)

5.5 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (5.5) neer.

> Nadat Poppie met Stone, 'n Xhosa-man, getroud is, is sy ... om Kaap toe te gaan.

Α gevra

В genooi

C gedwing D

gesoebat

(1)

5.6 Poppie en Mama het voorgestel dat Katie skool moes los om Poppie se kinders in die Kaap op te pas.

Waarom het dit jou nie verras ("surprise") nie?

(1)

5.7 Poppie se kinders moes gou daaraan gewoond raak dat hulle lewens ontwrig ("disrupt") word.

Motiveer uit die drama waarom hierdie stelling WAAR is.

(1)

5.8 Waarom was dit slim van Poppie om Ciskei toe te gaan toe sy nie meer haar pas kon verleng nie?

(1)

5.9 Op watter manier het Stone se ouers vir Poppie ná Stone se dood gehelp? (1)

5.10 Poppie se ouma en skoonmense kon trots op háár wees, maar Bonsile het baie probleme vir Poppie veroorsaak.

> 5.10.1 Gee TWEE voorbeelde uit die drama wat daarop dui dat Poppie se ouma of skoonmense trots op háár kon wees.

(2)

Gee TWEE voorbeelde uit die drama wat daarop dui dat Bonsile 5.10.2 net hartseer vir sy ma gebring het.

(2)

EN



Lees die uittreksel hieronder deur en beantwoord die vrae wat daarop volg.

#### **TEKS J**

POPPIE. Wanneer kry hierdie moeilikheid end, Mama? MOSIE. Dit sal nie maklik end kry nie, Sisi. Dit was nie net die Afrikaans education-ding nie ... MAMA. Die kinders word nou astranter. Hulle noem hulleself die Comrades, hulle sê vir die grootmense: ... 5 MR GREEN. Wilson ... MOSIE. Ja, baas? MR GREEN. ... wat is dit dan met die kinders, of die comrades, wat soek MOSIE. Die youngsters hulle praat mos nie met ons nie ... 10 MOSIE. Die tyd is nie meer dieselfde nie, boss. Hulle is meer advanced as wat ek nou is. Wat ek nou gaan staan, gaan hulle nie staan nie. MR GREEN. Ek kan vir jou broer werk gee, Wilson, sê hy moet my kom sien. Hy kan nie so rondlê en niks doen nie. MOSIE. Hy's nie interested nie, boss, hy sê hy wil nog leer, hy't maar altyd 15 sy briefcase langs hom en sy papiere. Hy wil predikant word, maar sy skool is gesluit. Die skool sal weer oopgaan, sê hy. Hulle het ingegee, because why, they're ruled by the gun, maar as iemand jou met die gun rule jy gaan hardloop, jy gaan hardloop, jy gaan moeg word van die hardloop, jy gaan omdraai. As ek nou dink van my af wat nie 'n youngster is nie, ek weet wat ek voel, ek dink hulle moet dit meer voel, beter voel of slegter voel. Times have changed, boss.

- 5.11 Lees reëls 1 tot 5.
  - 5.11.1 Die kinders was ongelukkig omdat hulle sekere vakke in Afrikaans moes doen. Daarom het hulle in opstand gekom.

Gee nog EEN rede waarom die kinders ongelukkig was.

5.11.2 Kies die KORREKTE antwoord uit dié tussen hakies.

Die manier waarop Poppie hier praat, wys dat sy (moedeloos/tevrede) oor die opstande is. (1)

5.11.3 Waarom het Poppie só (soos in VRAAG 5.11.2) oor die opstande gevoel? (1)

5.12 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (5.12) neer.

Die dialoog in reëls 6 tot 20 se funksie is om aan te dui dat ...

- A Mosie baie respek vir sy werkgewer gehad het.
- B al Poppie se broers ook betrokke by die opstande was.
- C wit mense nie verstaan het waarom die jeug so opgetree het nie.
- D die jeug onverantwoordelik en verkeerd was om met geweld in opstand te kom.

(1)

5.13	Mr Green wil niks met Jakkie te doen hê nie.			
	Haal 'n s is.	sin uit reëls 6 tot 14 aan om aan te dui dat hierdie stelling ONWAAR	(1)	
5.14	Noem D	RIE redes waarom die polisie vir Jakkie wou vang.	(3)	
5.15	Jakkie e	en die ander jongmense se opstandigheid kom al 'n lang pad.		
	5.15.1	Kies die KORREKTE antwoord uit dié tussen hakies.		
		Dit was al tydens die staking van die werkers in die Kaap dat die kinders hulle (vrees/respek) vir grootmense verloor het.	(1)	
	5.15.2	Noem TWEE dinge wat die kinders gesien het wat hulle só (soos in VRAAG 5.15.1) oor grootmense laat voel het.	(2)	
5.16	, ,	gmense se geweld teen die land se wette het baie verhoudings beïnvloed.		
	Gee TW	EE redes uit die drama waarom 'n mens hierdie afleiding kan maak.	(2)	
5.17	Kies die	KORREKTE antwoord uit dié tussen hakies.		
		e einde van die drama besef Poppie dat sy haar kinders moet verbied) om verder teen die apartheidswette van die land te stry.	(1)	
5.18	Watter le	es het jy uit hierdie drama geleer oor:		
	5.18.1	Die tyd toe daar apartheid was	(1)	
	5.18.2	Moederliefde	(1)	
5.19	Poppie s as Jakkie	se manier om die onmenslike apartheidswette te hanteer, was beter e s'n.		
		WEE redes waarom 'n mens kan sê dat Poppie se manier beter was. reer NET op Poppie se manier.	(2) <b>[35]</b>	

#### VRAAG 6: PALJAS - Chris Barnard

Lees die uittreksel hieronder deur en beantwoord die vrae wat daarop volg.

# **TEKS K**

HENDRIK: ... Stop, jy maak die battery moeg! (Hy loer onder die enjinkap uit. Sy moue is opgerol, sy hande swart en daar is klaar 'n swart blerts oor sy gesig. Hy kom om die motor na sy deur toe.) Kry nie petrol nie. (... Hendrik kom leun op sy vensterbank en loer deur die venster na Katrien.) En waar kry jy daardie goed? 5 HENDRIK (bars uit): Hier sukkel ek my mallemaai af om 'n kar aan die loop te hou, maar jy ... KATRIEN (nou self kwaad): 'n Kar! Watse kar? Noem jy dit 'n kar? (Die kind is besig om met sy drie klippe te goël. Die kar is op die agtergrond. En Hendrik regs. Terwyl die struweling vlam vat, klim Katrien links uit en klap haar deur toe.) Jy kan nie 'n kar se wieldoppe bekostig nie, Hendrik McDonald! HENDRIK: Katrina, oppas wat jy sê ... KATRIEN: Hoekom? (Die kind vang 'n klip mis en die ander twee val ook tussen sy hande deur.) 15 Sv lóóp. Hy klim weer onder die kar se kap in. Die kind is nêrens. HENDRIK (gaan staan weer in die agterdeur): Die ... goed wat jy gesê het vandag ... (Sy rug is na haar toe. Hy kry dit nie gevra nie. Sy sit en wag.) ... 20 Jy't seker als gebedoel. KATRIEN: Seker nie als nie. HENDRIK: Watter het jy gebedoel?

6.1	Wat het die rusie langs die pad tussen Hendrik en Katrien laat ontstaan?	(1)
6.2	Katrien se woorde oor Hendrik se kar (reëls 6 tot 12) het hom seergemaak.	
	Noem nog TWEE ander dinge wat Katrien gesê het (behalwe oor die kar) wat vir Hendrik seergemaak het.	(2)
6.3	Gee 'n voorbeeld uit die drama dat Hendrik en Katrien se verhouding reeds vóór hierdie insident nie goed was nie.	(1)
6.4	Waarom het dit jou nie verras ("surprise") dat Willem, tydens hierdie rusie, na Manuel toe weggeloop het nie?	(1)
6.5	Waarom was dit slim van Manuel om daardie aand vir Willem te dwing om huis toe te gaan?	(1)

6.6		t Hendrik, die aand toe Willem verdwyn het, aan Katrien oor hulle ding erken?	(1)
6.7	Die ogg	end toe Willem gevind is, wou hy sy ouers gelukkig laat lyk.	
		er uit die drama waarom hierdie stelling WAAR is. Dui aan wat gedoen het.	(1)
6.8		die paragraaf hieronder deur die ONTBREKENDE WOORDE in te yf slegs EEN woord langs die vraagnommers (6.8.1 tot 6.8.4) neer.	
	se hulp na Wille waar (6 daar fig	se verdwyning het probleme veroorsaak. Hendrik het die (6.8.1) ingeroep toe hulle nie vir Willem kon kry nie. Toe hulle opdaag om em te soek, het die honde reguit op die vervalle ou skuur afgestorm (5.8.2), Willem se geheime vriend, gebly het. Teen die mure was gure soos 'n draak of 'n hond geteken en daar was ook die gesig (6.8.3) Hendrik het gesê die goed op die tafelblad was sy kind se	(4)
6.9		e KORREKTE antwoord om die sin mee te voltooi. Skryf slegs die A–D) langs die vraagnommer (6.9) neer.	
		die mense wat na Willem gesoek het die stasie verlaat het, was aie oor wat daar by Hendrik-hulle aan die gang was.	
	B k C te	erlik waad evrede uspisieus	(1)
6.10		verdwyning en terugkeer van Willem verander verhoudings in die ald-gesin.	
	6.10.1	Gee TWEE voorbeelde uit die drama wat daarop dui dat Katrien se houding teenoor Hendrik verander het.	(2)
	6.10.2	Gee TWEE voorbeelde uit die drama wat daarop dui dat Emma ook verander het.	(2)

ΕN



Lees die uittreksel hieronder deur en beantwoord die vrae wat daarop volg.

#### **TEKS L**

En Hendrik staan op, vat sy hoed van die stoel se leuning af en loop uit die vertrek.

DOMINEE (ná 'n oorblufte stilte): Suster. (Hy kyk vir die deur en dan weer vir haar.) Suster – dis erger as wat ek gedink het!

\*\*\*

WILLEM: Is dit sonde?

5

NAR (kyk verbaas op): Sonde? (Willem knik.) Om op mure te teken? ...

NAR: ... Kan ek Sondag jou fiets leen?

WILLEM: Hoekom?

NAR: Ek dink sommer – miskien moet ek 'n slag weer kerk toe gaan.

\*\*\*

'n Lang stuk teerpad. Die nar kom op 'n fiets aangery. Hy het sy sirkuspak 10 aan en sy gesig is gegrimeer. Hy kom verby en ry teen 'n afdraande af. Voor hom in die laagte lê die dorpie...

\*\*\*

Die nar sien hier kom moeilikheid, vlieg op en vlug uit die kerk uit. En tien, twaalf, twintig mans storm uit die banke uit agterna.

Buitekant die kerk gryp die nar sy fiets, spring op en jaag straataf. Die 15 swartgeklede kraaie storm in die straat in en kyk rond, beduie. Hulle sien die nar dóér trek. Party begin agterna hardloop. Ander storm vir hulle bakkies.

'n Ent af in die straat jaag die nar op sy fiets. Hy kyk om en sien die spul wat agterna kom. Hy swaai in 'n systraat in, spring by 'n heining van sy fiets af, ...

20

Die werf by Hendrik-hulle se huis lyk verlate. Binnekant is iemand besig om klavier te speel.

- 6.11 Lees reël 3 en 4.
  - 6.11.1 Kies die KORREKTE antwoord uit dié tussen hakies.

Die manier waarop die dominee hier praat, wys dat hy (geskok was oor/belanggestel het in) Hendrik se siening voordat Hendrik uitgestap het.

(1)

6.11.2 Wat het Hendrik gesê wat die dominee só laat voel het?

(1)

(1)

6.12 Lees reël 5 en 6.

Oor watter ander sonde het die dominee kom praat waaroor Willem vir Manuel uitgevra het?



(1)

(1)

6.13 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (6.13) neer.

Die toneel in reël 21 en 22 het 'n spesifieke doel. Dit ...

- A wys dat die nar nie op die werf is nie.
- B dui aan dat Emma 'n goeie klavierspeelster is.
- C beskryf hierdie stasie as baie klein en verlate.
- D vorm 'n kontras met die skietery wat net daarna gebeur. (1)
- 6.14 Die nar het seker gemaak dat niemand hom maklik in die kerk sou opmerk nie.
  - Haal 'n sin uit reëls 9 tot 14 aan om aan te dui dat hierdie stelling ONWAAR is.
- 6.15 Ons het vir Hendrik leer ken as 'n man wat vinnig kwaad word.
  - 6.15.1 Kies die KORREKTE antwoord uit dié tussen hakies.
    - Die leser (kry dus respek vir/voel dus ongelukkig oor) Hendrik se optrede nadat Willem vir hom gesê het dat die nar sy maat is.
  - 6.15.2 Noem TWEE dinge wat Hendrik gedoen het wat die leser só (soos in VRAAG 6.15.1) laat voel. (2)
- 6.16 Die dorpsmense het aggressief teenoor die McDonalds gereageer omdat die McDonalds anders as hulle was.
  - Gee DRIE voorbeelde van die dorpsmense se aggressie. (3)
- 6.17 Gee TWEE redes waarom ons kan sê dat die dominee en die gemeentelede bevooroordeeld ("biased") teenoor die nar was. (2)
- 6.18 Kies die KORREKTE antwoord uit dié tussen hakies.
  - Aan die einde van die drama besef Sakkie en Ouderling Bothma dat hulle (verkeerd/reg) teenoor die McDonalds opgetree het. (1)
- 6.19 Willem het situasies met vreemde mense en dinge beter as baie grootmense in hierdie drama hanteer.
  - Motiveer hierdie stelling met TWEE voorbeelde uit die drama. (2)
- 6.20 Wat het jy uit hierdie drama geleer oor:
  - 6.20.1 Die rol van kommunikasie in verhoudings (1)
  - 6.20.2 Die invloed van ouers se huweliksprobleme op kinders (1)

    [35]

# VRAAG 7: FIELA SE KIND, DIE DRAMA - Dalene Matthee

Lees die uittreksel hieronder deur en beantwoord die vrae wat daarop volg.

# **TEKS M**

NINA: Kan jy 'n geheim hou?

LUKAS: Watse geheim?

NINA: As jy saam met my kom, gaan wys ek jou die geheim.

LUKAS: Ek gaan nêrens heen nie.

\*\*\*

NINA: Jy moet ophou neuk. As Pa kwaad word en die osriem vat, gaat hy vir 5 jou slat dat jy jou natmaak.

LUKAS: Ek het vyf sjielings.

NINA (agterdogtig): Wat jy waar kry?

LUKAS: As jy my wys hoe om uit die Bos te kom, sal ek jou sê waar dit is.

\*\*\*

ELIAS: Ek sal vir haar vasmaak soos jy 'n wegloop-os vasmaak. Ek sê vir 10 jou daar is fout met haar.

Ligte doof uit. Musiek. Ligte op.

ELIAS: Nina! Lukas!

BARTA: (kom uit huis): Elias ...

ELIAS: Moenie kom neul nie, vrou!

15

20

BARTA: ... maar moenie vir Lukas slaan nie.

\*\*\*

ELIAS: ... (ELIAS spring op en gryp na NINA.) Jou klein blikskottel, gedink julle kan byl neergooi en wegraak, nè? Gedink my oë is toe! Gedink ek slaap! Maar hiervoor sal julle bars tot ék sê dis genoeg. Hoor jy my, maaksel? (Trek haar aan die bos hare rond.)

NINA: Eina, Pa!

ELIAS: Vreksel! Julle het gedink julle kan met my mors, nè?

NINA: Nee, Pa.

ELIAS: Waar's Lukas?

NINA: Ek weet nie, Pa. Ek het hom gaan soek, Pa.

25

ELIAS: Wat lied iv daar?

NINA: Ek het hom gaan soek, Pa. Eina, Pa!

- 7.1 Watter geheim wou Nina vir Lukas gaan wys kort nadat hy in die Bos aangekom het? (1)
- 7.2 Gee TWEE redes waarom ons kan sê dat Nina die persoon was op wie Lukas kon staatmaak. (2)
- 7.3 Gee 'n voorbeeld uit Nina se gedrag as kind om aan te dui dat sy anders as die res van die Van Rooyens was. (1)
- 7.4 Waarom was dit slim van Barta om vir Elias te waarsku om nie vir Lukas te slaan nie? (1)



7.5	Nina kon nie seker wees dat haar ma haar teen haar pa sal beskerm nie.		
	Motive	er uit die drama waarom hierdie stelling WAAR is.	(1)
7.6	Waarom nie? (Re	n het dit jou nie verras ("surprise") dat Nina vir Lukas verraai het eël 25)	(1)
7.7		die paragraaf hieronder deur die ONTBREKENDE WOORDE in te var slegs EEN woord langs die vraagnommers (7.7.1 tot 7.7.4) neer.	
	maklik ( en kon o stomp (7 hout mo	t nooit vir Nina verstaan nie. As hy vir haar werk gegee het, het sy 7.7.1) toe verdwyn waar sy Elias se mishandeling kon vryspring droom. Elias was eendag so kwaad vir Nina dat hy haar hare met 'n 7.7.2) afgesny het. Haar pa het verwag dat sy en haar broers die bes opsaag sodat hy (7.7.3) daarvan kon maak. Van al haar was (7.7.4) haar beste maat.	(4)
7.8		KORREKTE antwoord om die sin mee te voltooi. Skryf slegs die –D) langs die vraagnommer (7.8) neer.	
	Nina he verlaat.	t vir die eerste keer in haar lewe gewys toe sy die Bos moes	
	B w C te	rees roede evredenheid pgewondenheid	(1)
7.9		a die laaste keer terug Bos toe is, het sy haar geroeste mondfluitjie oottels begrawe. Waarvan is dit 'n simbool?	(1)
7.10	Grootme	ense se besluite het Benjamin en Nina se lewens verander.	
	7.10.1	Hoe het die magistraat se besluit dat Benjamin by die Van Rooyens moes gaan bly, Benjamin se lewe negatief verander?	(1)
	7.10.2	Hoe het Elias se besluit dat Nina op die dorp moes gaan werk, Nina se lewe positief verander?	(1)
7.11		einde van die drama het Nina se houding teenoor haar ouers en in se houding teenoor Fiela-hulle verskil.	
	Sê wat l	hierdie verskil is en verwys in jou antwoord na Nina EN Benjamin.	(2)

ΕN



Lees die uittreksel hieronder deur en beantwoord die vrae wat daarop volg.

#### **TEKS N**

FIELA: Here, baas, jy kan my nie wegjaag nie.

MAGISTRAAT: Konstabel!

FIELA (op band): Seil, Fiela, seil. (Gewone spraak.) Asseblief, weledele heer, ek sal loop, ek wou nie kom moeilikheid maak het nie. (Loop agteruit.) Ek sal loop, baas – ek loop. Sê my dan net waar die kind is, baas. Sê my net 5 wie die mense is by wie hy is.

\*\*\*

KAPP: Van Rooyen, *mister* Goldsbury het gesê ek moet uitvind of die seun baie praat oor die mense in die Lange Kloof by wie hy gebly het.

ELIAS: Nie 'n woord nie, mister.

\*\*\*

KAPP: Daar was glo moeilikheid met die vrou by wie hy weggeneem is. 10

BARTA (onrustig): Wat se moeilikheid?

KAPP: Ek weet nie, ek hoor maar die magistraat het haar glo belet om die kind te probeer opsoek.

BARTA: (skrik haar oorhoeks): Opsoek?

\*\*\*

KAPP: ... Hoe lank skat jy gaan die kinders nog wegbly?

15

ELIAS: Moeilik om te sê, *mister* Kapp. Moeilik. (*Lang pouse*). *Mister* kan die magistraat met 'n skoon gemoed loop sê dat dit goed gaan met hom. Ek meen, hy's mos nou darem onder sy eie mense.

\*\*\*

Deur oop.

ELIAS: (kom in met LUKAS se goed; kortaf): Hulle het vandag jou goed 20 gebring, Lukas.

LUKAS: Wie het dit gebring? Wie het my goed gebring?

ELIAS: Sy sê haar naam is Fiela Komoetie. ...

LUKAS (skree): Waar's sy? Waar is my ma?

7.12 Die eerste keer toe Fiela die magistraat gaan soek het, wou sy weet waar Benjamin was.

Wat het Fiela die tweede keer by die magistraat op Knysna gaan maak? (1)

- 7.13 Lees reël 3 en 4.
  - 7.13.1 Kies die KORREKTE antwoord uit dié tussen hakies.

Die manier waarop Fiela hier praat, wys dat sy (kwaad/desperaat) was.

7.13.2 Waarom sou Fiela só (soos in VRAAG 7.13.1) gevoel het? (1)

7.14	Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (7.14) neer.			
	Die tone	elaanwysings in reëls 11 en 14 beklemtoon dat Barta		
	B kwa	nuweeagtig oor Kapp se woorde was. aad was omdat Elias vir Kapp gelieg het. weet het dat die magistraat vir Kapp gestuur het. gelukkig was omdat Kapp geweet het dat Elias vir Lukas slaan.	(1)	
7.15	_	gistraat het glad nie daarin belanggestel om te weet wat van eword het nadat hy hom aan die Van Rooyens gegee het nie.		
	Haal 'n ONWAA	sin uit reëls 1 tot 10 aan om aan te dui dat hierdie stelling R is.	(1)	
7.16	Ons het	vir Fiela leer ken as iemand wat respek verdien.		
	7.16.1	Kies die KORREKTE antwoord uit dié tussen hakies.		
		Elias het vir Fiela (hoflik/onbeskof) behandel toe sy Lukas se goed vir hom gebring het.	(1)	
	7.16.2	Noem TWEE dinge wat Elias vir Lukas oor Fiela gesê het wat aandui hoe hy haar behandel het.	(2)	
7.17	Lukas m ken.	oes 'n heel nuwe gesin (ma, pa, broers en suster) in die Bos leer		
		ORIE redes waarom dit nie vir Lukas so lekker by die Van soos op Wolwekraal was nie.	(3)	
7.18	Gee TWEE redes waarom ons kan sê dat Fiela geglo het dat Lukas nie weer huis toe kom nie.			
7.19	Kies die	KORREKTE antwoord uit dié tussen hakies.		
		einde van die drama het Barta die (regte/verkeerde) besluit deur te sê wat daardie dag in die hof gebeur het.	(1)	
7.20	vreugde	kan ons sê dat Benjamin uiteindelik vir Fiela en Selling meer gebring het as Tollie, hulle biologiese seun? Motiveer jou d met TWEE feite wat NET op Benjamin konsentreer.	(2)	
7.21	Watter le	es sal jy altyd uit:		
	7.21.1	Fiela se optrede onthou	(1)	
	7.21.2	Benjamin se lewe onthou	(1) <b>[35]</b>	

35

**TOTAAL AFDELING B:** 

5

10

15

#### AFDELING C: KORTVERHALE

Beantwoord die vrae oor AL TWEE kortverhale.

# **VRAAG 8: SPIEËLBEELDE**

# 8.1 "OOM DRIES SE SORGE MET JANTJIE" – Felicia Goosen

Lees die uittreksel hieronder deur en beantwoord die vrae wat daarop volg.

#### **TEKS O**

... En dis net hier waar oom Dries se sorge met Jantjie begin.

Bedags speel Jantjie op die werf. Oom Dries prakseer vir hom 'n swaai uit 'n ou Ford-buiteband en daar swaai hy vir ure lank onderstebo of wieg ritmies heen en weer. Die kinders van die plaaswerkers speel graag met hom en saans slaap hy voor die Aga.

Soos Jantjie grootword, groei die probleme. Getrou aan sy natuur vaar hy die boord in en saai verwoesting onder die ryp koejawels. Nie uit honger nie, nee, elke vrug kry net 'n bytmerk en word dan net so gelos of op die grond neergesmyt.

... Die graaf en sak wat hy saamdra, is in sy pad en bly skuur-skuur teen sy sitvlak teen die steil wal af. Toe hy onder kom, rus hy eers 'n rukkie onder 'n bos. Dis toe dat hy duidelik die gekraak van takke hoor asof iemand haastig van die wal af ondertoe klouter. Hy voel hoe sy hele lyf koud word. Hy kom regop en vat die graaf vas, gereed om wat ook al verskyn, met 'n swaai van die graaf stil te maak. Saggies sluip hy om die bos en bly half verskuil staan, elke spier oorgehaal, die graaf gelig, reg om te slaan.

Êrens maak 'n brandwagbobbejaan alarm en 'n skaduwee val vlak voor sy voete.

- 8.1.1 Op watter plaas het oom Dries gewoon? (1)
- 8.1.2 Waarom het dit jou verras ("surprise") dat oom Dries die klein bobbejaantjie huis toe gevat het? (1)
- 8.1.3 Gee TWEE redes waarom ons kan sê dat oom Dries moeite gedoen het om Jantjie warm te hou toe hy hom huis toe geneem het. (2)
- 8.1.4 Gee 'n voorbeeld uit die kortverhaal wat aandui dat Jantjie nie van Sofie gehou het nie. (1)
- 8.1.5 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (8.1.5) neer.

Uit reëls 6 tot 9 kan ons aflei dat oom Dries ... Jantjie se gedrag sou voel.

- A bekommerd oor
- B onverskillig oor
- C tevrede met
- D trots op (1)

8.1.6	Voltooi die	paragraaf	hieron	der dei	ur die	ONTE	BREKEN	<b>NDE</b>
	WOORDE i	n te vul.	Skryf	slegs	EEN	woord	langs	die
	vraagnomme	rs (8.1.8(a)	tot 8.1.	8(d)) ne	er.			

Jantjie was 'n regte moeilikheidmaker. Hy het eendag die (a) ... uitgegrawe en heeltemal stukkend gebyt. Toe oom Dries hom wou paai, het hy oom Dries gebyt. (b) ... het hulp gaan soek. Twee van oom Dries se (c) ... moes afgesit word. Oom Thys het hom geskiet en opdrag gegee dat sy oorskot by die (d) ... gegooi moet word.

(4)

- 8.1.7 Nadat oom Thys vir Jantjie geskiet het, het bonatuurlike dinge op oom Dries se plaas begin gebeur.
  - Gee TWEE voorbeelde uit die kortverhaal waaruit ons kan aflei dat daar ná Jantjie se dood bonatuurlike dinge gebeur het.

(2)

Gee TWEE voorbeelde uit die kortverhaal wat daarop dui dat oom Dries nie aan sulke bonatuurlike dinge gewoond was nie.

(2)

8.1.8 Oom Dries en oom Thys het goeie vriende gebly, selfs nadat oom Thys vir Jantjie doodgeskiet het.

Motiveer waarom hierdie stelling WAAR is.

(1)

8.1.9 Waarom was dit dom van oom Dries om sommer 'n hou met die graaf te slaan toe hy die skaduwee voor hom gesien het?

(1)

8.1.10 Waarom was dit goed dat oom Dries Jantjie se oorskot gaan herbegrawe het?

(1)

EN

# 8.2 "ROT IN 'N VAL" – H du Plessis

Lees die uittreksel hieronder deur en beantwoord die vrae wat daarop volg.

#### **TEKS P**

... Werkers spat uitmekaar. In sy haas om weg te kom, hardloop een amper vir Lerato om ... "Ahwe," skree 'n reus van 'n man, "julle moet keer, julle moet mooi keer!"

\*\*\*

"Dit sal gaaf wees as jy my help, baie dankie ..."

\*\*\*

Die telefoon lui. Dis Groot Penuel wat wil weet of sy veilig tuis is ... Sy 5 bly liewer stil oor Angelina, hy kan hom so opwen oor nietighede. "Ek het toe jou geld getrek en ja, ek het die deure op knip gesit," sluit sy die gesprek af. Eintlik het Groot Penuel net gebel om te sê ...

\*\*\*

Lerato sluk. Sy moet tyd wen. Tyd vir wat? Groot Penuel kom nie middag huis toe nie, ag, waarom was sy so dom? Gee die geld en laat haar loop, pleit haar rede, maar sal sy loop, sal sy, terwyl ek haar so goed kan uitken?

10

"... Ja, ja. Nood, polisie, bel die polisie, 'n moorddadige vrou, 'n rower, gewapende rower, ek weet dis nie u werk nie, 'seblief, 'seblief. Ek ken nie die polisie se nommer nie ..."

\*\*\*

- ... en Groot Penuel lag saam, dis 'n stryd wat hy ook ken. Penuel sit op die vloer, 'n wriemelende Igundane in sy mou. "Ons trek terug nader na ander mense toe, net so gou ons hier verkoop kry," sê Groot Penuel vir die soveelste keer en neem Lerato se hand. "Ek word koud as ek dink wat kon gebeur het."
- 8.2.1 Hoe lyk die buurt waar Lerato en Groot Penuel gewoon het? (1)
- 8.2.2 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (8.2.2) neer.

Die verteller se bedoeling met die beskrywing van die bang mans in die skuur (reëls 1 tot 3) is om ...

- A te wys wat met Igundane gaan gebeur.
- B die spanning in die verhaal te verhoog.
- C spottend te wys hoe vrees mense laat reageer.
- D die werkers se vrees vir rotte vir die klante te wys.
- 8.2.3 "Dit sal gaaf wees as jy my help, baie dankie." (Reël 4)
  - (a) Kies die KORREKTE antwoord uit dié tussen hakies...
    - Lerato was (tevrede/ontevrede) met die manier waarop Angelina haar aan die begin gehelp het.
- (1)

(1)

(b) Noem TWEE take wat Lerato vir Angelina gegee het om te doen.

(2)

		TOTAAL AFDELING C:	35	
	(b)	By Groot Penuel geleer oor hoe 'n mens ná so 'n krisis optree	(1) <b>[35]</b>	
	(a)	Uit Lerato se krisis oor veiligheid tuis geleer	(1)	
8.2.10	Wat	ter les het jy:		
8.2.9	Waarom is die slot van hierdie verhaal 'n verrassing? Gee TWEE redes. (2			
8.2.8		arom kan 'n mens sê dat Kuku, die kat, net so 'n groot rol s Igundane gespeel het om vir Angelina te vang? Gee TWEE es.	(2)	
	Haal 'n sin uit die uittreksel aan om aan te dui dat hierdie stelling ONWAAR is. (1			
8.2.7	Gro	ot Penuel het nie gedink sy vrou was in doodsgevaar nie.		
	lgur	titel en die begin van hierdie verhaal laat die leser dink dat ndane (die held in hierdie verhaal gaan wees/iets gaan kom).	(1)	
	Kies	s die KORREKTE antwoord uit dié tussen hakies.		
8.2.6	Dinl	k aan die titel en die eerste gedeelte van hierdie kortverhaal.		
	(b)	Wat het hierdie moorddadige vrou gedoen wat Lerato só laat voel het?	(1)	
		Die manier waarop Lerato hier met die ambulansdiens praat, dui aan dat sy (baie bang/sonder vrees) was.	(1)	
	(a)	Kies die KORREKTE antwoord uit dié tussen hakies.		
8.2.5	Lee	s reëls 12 tot 14.		
		em DRIE kenmerke aan Angelina se gesig of kop waaraan ato haar sal kan uitken.	(3)	
8.2.4		. maar sal sy loop, sal sy, terwyl ek haar so goed kan en?" (Reël 11)		

# AFDELING D: GEDIGTE

Beantwoord die vrae oor AL TWEE gedigte uit die bundel wat jy bestudeer het.

# **VRAAG 9: VERSKUNS VIR EERSTE ADDISIONELE TAAL**

# 9.1 "pryslied" – Antjie Krog

Lees die gedig hieronder deur en beantwoord die vrae wat daarop volg.

Pryslied – Antjie Krog			
1 2 3 4 5 6 7 8	in die sandkliphart vandag staan hy kop en skraal skouers staan hy bo almal uit houtskool en as is sy hare hy, die sandkleurige seun van uNosekeni uNosekeni die ma van Mandela hy, die man met die vlesige palmkussings		
9 10 11 12 13 14	hier staan hy uit die gevestigde familie van uNgubengcuka die seun van Dalindyebo die seun van Mandela hy van die rivieroewers by iNqunu heelmaker uit die Thembu-stam		
15	'n klein swart ster priem sy bolip		
16 17 18 19 20	ons prys hom hy wat nie lag nie en nie huil nie eerste ratelaar van Umkhonto we Sizwe die swart pimpernel hy wat nie lag nie en ook nie huil nie		
21 22 23 24 25 26 27 28 29 30	hier staan hy dan nou voor ons Nelson Rolihlahla Mandela getrokke tak van lank gelede die sleepsel van sy blare lê wyd legendaries is hy – opspoorder van harte hy maak die pante bymekaar van 'n verskeurde land hy draai ons na mekaar toe vir mekaar hy, heelmaker van mense hy stig vrede		
31	vrede, wat die ma is van groot nasies		

9.1.1 Oor wie handel hierdie pryslied?

9.1.2 Voltooi die sinne hieronder deur die ONTBREKENDE WOORDE in te vul. Skryf slegs EEN woord langs die vraagnommers (9.1.2(a) tot 9.1.2(d)) neer.

'n Mens kan hierdie pryslied se inhoud duidelik uiteensit.

- (a) In reëls 4 tot 8 beskryf die pryssanger vir ons hoe Mandela ...
- (b) Reëls 6 tot 14 stel ons aan sy ... voor.
- (c) Reëls 16 tot 20 dui aan dat hy gedurende die vryheidstryd 'n ratelaar was. Dit beteken dat hy die ... van Umkhonto we Sizwe was.
- (d) Sy tweede naam was Rolihlahla en in reëls 21 tot 23 word die ... van hierdie naam verduidelik. (4)
- 9.1.3 "kop en skraal skouers staan hy bo almal uit" (reël 4).

Gee die letterlike EN die figuurlike betekenis van hierdie versreël. (2)

- 9.1.4 Lees reëls 5 en 6.
  - (a) Waarom word sy hare as "houtskool en as" beskryf? (1)
  - (b) Waarna verwys die pryssanger as hy praat van die "sandkleurige" seun? (1)
- 9.1.5 Mandela kon nie sy emosies in die openbaar wegsteek nie.

Haal EEN versreël uit reëls 16 tot 20 aan wat hierdie stelling ONWAAR maak. (1)

9.1.6 Jy was 'n polisieman wat tydens die vryheidstryd na Nelson Mandela gesoek het.

Motiveer, met 'n feit uit die gedig, waarom hy jou en jou kollegas sou frustreer het. (1)

9.1.7 Kies die KORREKTE antwoord om die sin mee te voltooi. Skryf slegs die letter (A–D) langs die vraagnommer (9.1.7) neer.

Hierdie gedig is 'n voorbeeld van vrye vers, want ...

- A daar is baie voorbeelde van beeldspraak.
- B sekere woorde word deur herhaling beklemtoon.
- C die strofes en versreëls is nie almal ewe lank nie.
- D lesers kan self besluit of hulle met die prysliedsanger saamstem.
- 9.1.8 "die sleepsel van sy blare lê wyd" (reël 24).

Motiveer waarom hierdie woorde WAAR is. (1)

9.1.9 Uit reëls 25 tot 27 kan ons aflei dat Nelson Mandela vrede in Suid-Afrika gebring het.

Verduidelik in jou eie woorde watter TWEE dinge hy gedoen het om vrede te bring. Gebruik net die inhoud van reëls 25 tot 27 in jou antwoord.

(2)

9.1.10 Waarom kan 'n mens al die dinge in hierdie pryslied glo?

(1)

9.1.11 Gee TWEE redes waarom "sandkliphart" 'n goeie beskrywing van die Uniegebou is.

(2)

#### EN

# 9.2 "RONDOM MY" – Dawie de Jager

Lees die gedig hieronder deur en beantwoord die vrae wat daarop volg.

RONDO	M MY – Dawie de Jager
1 2 3 4 5 6	Ek wil my tyd vat hierdie keer ek moet my tyd vat hierdie keer want die haastigheid in my het my al veels te veel keer ondergekry my ondergekry.
7	Ek wil my tyd vat hierdie keer
8	ek moet my tyd vat hierdie keer.
9	Ek sien die blou in jou deur die bietjie in jou oë.
10	Ek weet daar is dinge wat jou ook nog pla
11	dinge wat jou terughou.
12	Kom wys my wie jy is en wie jy graag wil wees.
13	Kom wees net jy, kom wees net jy.
14	As jy wil tyd vat hierdie keer
15	kom vat 'n rukkie hier by my
16	As jy tyd wil vat
17	kom wees hier rondom my
18	kom wees hier rondom my
19	net as jy wil
20	net as jy wil.

9.2.1 Met wie praat die spreker?

(1)

9.2.2 Hierdie spreker sien kans vir 'n nuwe verhouding, al het sy/haar vorige verhoudings nie uitgewerk nie.

Motiveer waarom hierdie stelling WAAR is.

9.2.3 Lees strofe 1.

Kies die KORREKTE antwoord uit dié tussen hakies.

- (a) Die spreker is van plan om (haastiger/versigtiger) as vroeër te wees. (1)
- (b) Motiveer jou antwoord met TWEE voorbeelde uit die gedig. (2)
- 9.2.4 Lees reël 9.
  - (a) Kies die KORREKTE antwoord uit dié tussen hakies.

In hierdie konteks word "blou" met (hartseer/oorhaastigheid) geassosieer.

(b) Waarom sou die persoon wat in reël 9 aangespreek word, heel moontlik so voel? (1)

9.2.5 Lees reël 12 en 13.

Watter les leer die leser by die spreker in hierdie gedig?

(1)

(1)

(1)

- 9.2.6 Lees strofe 2 en 3.
  - (a) Kies die KORREKTE antwoord uit dié tussen hakies.

Aan die manier waarop die spreker hier praat, kan ons sê dat hy/sy (ongeduldig/gerusstellend) is.

(b) Motiveer jou antwoord op VRAAG 9.2.6(a) met DRIE voorbeelde uit die gedig. (3)

9.2.7 Kies die term uit KOLOM B wat by die voorbeeld in KOLOM A pas. Skryf slegs die letter (A–C) langs die vraagnommer (9.2.7(a) tot 9.2.7(b)) neer.

	KOLOM A		KOLOM B
(a)	Ek wil my tyd vat hierdie keer	Α	alliterasie
(b)	Kom <u>w</u> ys my <u>w</u> ie jy is en <u>w</u> ie jy	В	enjambement
	graag <u>w</u> il <u>w</u> ees.	С	inversie

 $(4 \times 1)$  (4)

9.2.8 Kies die KORREKTE antwoord om die sin mee te voltooi. Skryf slegs die antwoord (A–D) langs die vraagnommer (9.2.8) neer.

Die spreker maak baie van herhaling gebruik, want hy/sy ...

- A is nie seker van sy/haar saak nie.
- B wil die leser gerusstel dat die nuwe verhouding gaan werk.
- C is bang die geliefde verstaan nie wat hy/sy probeer sê nie.
- D wil die geliefde daarvan oortuig dat hy/sy bedoel wat hy/sy sê. (1)

Kopiereg voorbehou Blaai om asseblief

9.2.9 Waarom sal hierdie gedig maklik gesing kan word (liriek)? Motiveer jou antwoord met TWEE voorbeelde uit die gedig.

(2) **[35]** 

TOTAAL AFDELING D: 35

**GROOTTOTAAL:** 70